



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ ԼՈՌՈՒ ՄԱՐԶՊԵՏ

Կ Ա Ր Գ Ա Դ Ի Ր ՈՒ Թ Յ ՈՒ Ն

11 հոկտեմբերի 2012թ. թիվ 492

ԼՈՌՈՒ ՄԱՐԶՈՒՄ ՀԱՏՈՒԿ ՏԱԿՏԻԿԱԿԱՆ ՈՒՍՈՒՄՆԱՎԱՐԺՈՒԹՅԱՆ ՆԱԽԱՊԱՏՐԱՍՏՄԱՆ ԵՎ ԱՆՑԿԱՑՄԱՆ ՄԱՍԻՆ

Համաձայն Հայաստանի Հանրապետության կառավարության 2003թ. հունվարի 30-ի թիվ 134-Ն որոշմամբ հաստատված «Արտակարգ իրավիճակների և քաղաքացիական պաշտպանության բնագավառներում Հայաստանի Հանրապետության պետական և տեղական ինքնակառավարման մարմինների ու կազմակերպությունների պատրաստման և բնակչության ուսուցման կարգի» 5-րդ կետի և ՀՀ Լոռու մարզպետի կողմից հաստատված Հայաստանի Հանրապետության Լոռու մարզի բնակչության պաշտպանության համակարգի նախապատրաստման 2012 թվականի հիմնական միջոցառումների պլանի, ղեկավարվելով Հայաստանի Հանրապետության Նախագահի 1997թ. մայիսի 6-ի «Հայաստանի Հանրապետության մարզերում պետական կառավարման մասին» թիվ ՆՀ-728 հրամանագրի 1.6 կետով՝

Կարգադրում եմ.

1. 2012թ. նոյեմբերի 23-ին Լոռու մարզի Դարպաս համայնքում անցկացնել հատուկ տակտիկական ուսումնավարժություն (ՀՏՈՒ) «Գյուղատնտեսական կենդանիների վարակիչ հիվանդությունների օջախի վերացում» թեմայով:

2. Ուսումնավարժությանը ժամանակին նախապատրաստվելու և արդյունավետ անցկացնելու նպատակով ստեղծել ուսումնավարժության ղեկավար կազմ, ղեկավարման շտաբ և շտաբի աշխատանքային խմբեր՝ հետևյալ կազմերով.

1) Ուսումնավարժության ղեկավար կազմ՝

ՀՏՈՒ-ի ղեկավար - ՀՀ Լոռու մարզպետարանի աշխատակազմի գյուղատնտեսության և բնապահպանության վարչության պետ Գ.Հակոբյան.

ՀՏՈՒ-ի ղեկավարման շտաբի պետ - ՀՀ Լոռու մարզպետարանի աշխատակազմի գյուղատնտեսության և բնապահպանության վարչության գյուղատնտեսության բաժնի պետ Վ.Օհանյան.

ՀՏՈՒ-ի ղեկավարի տեղակալ - ՀՀ գյուղատնտեսության նախարարության սննդամթերքի պետական անվտանգության ծառայության Լոռու մարզային կենտրոնի պետ Գ.Դանիելյան:

2) Ուսումնավարժության ղեկավարման շտաբի աշխատանքային՝ խաղարկման, վերլուծման և ամփոփման նախապատրաստման, միջնորդական խմբեր՝ համաձայն թիվ 1 հավելվածի:

3. Հաստատել միջնորդական խմբին կցված մասնակիցների ցանկը՝ համաձայն թիվ 2 հավելվածի:

4. Ուսումնավարժությունում ընդգրկել.

Լոռու մարզպետարանի աշխատակազմի գյուղատնտեսության և բնապահպանության վարչությանը, ՀՀ գյուղատնտեսության նախարարության

աննդամթերքի անվտանգության ծառայության Լոռու մարզային կենտրոնին, Դարպաս համայնքին, ՀՀ գյուղատնտեսության նախարարության աննդամթերքի անվտանգության ծառայության Լոռու մարզային կենտրոնի և Դարպաս համայնքի արձագանքող ուժերին:

5. Ուսումնավարժության ղեկավարման շտաբի պետ, ՀՀ Լոռու մարզպետարանի աշխատակազմի գյուղատնտեսության և բնապահպանության վարչության գյուղատնտեսության բաժնի պետ Վ. Օհանյանին՝

1) ապահովել անցկացման փաստաթղթերի ժամանակին մշակումը և մինչև ս/թ հոկտեմբերի 12-ը ներկայացնել ՀՏՈԻ-ի ղեկավարի հաստատմանը.

2) կազմակերպել ուսումնավարժությանը ներգրավվող պաշտոնատար անձանց նախապատրաստումը համաձայն հաստատված օրացուցային պլանի.

3) ապահովել համագործակցությունը Դարպաս համայնքի հետ ուսումնավարժության անցկացման հարցերում.

4) ուսումնավարժության անցկացմանը պատրաստ լինելու մասին զեկուցել 2012թ. նոյեմբերի 9-ին:

6. Ուսումնավարժության մասնակիցներին՝

ա) ճշգրտել համապատասխան պլանները:

բ) պատրաստ լինել զեկուցելու ուսումնավարժության ընթացքում կատարած միջոցառումների մասին:

7. Սույն կարգադրությունը տրամադրել ուսումնավարժության մասնակիցներին:

8. Սույն կարգադրության կատարման հսկողությունը վերապահել ՀՀ Լոռու մարզպետարանի աշխատակազմի գյուղատնտեսության և բնապահպանության վարչության պետ Գ.Հակոբյանին:

ՀՀ ԼՈՌՈՒ ՄԱՐԶՊԵՏ

2012թ. հոկտեմբերի 11
ք.Վանաձոր



Ա.ՆԱԼԲԱՆԴՅԱՆ